

բանս ասէին, նա լայր դողալով, քանզի բազում վիշտ կրելով ան կրէր յորմէ հետէ նստեալ էր յաթոռ եւ ոչ կարէր մի ինչ առնել. և զարտասուսն սրբելով հայէր ի վայր եւ խօսեցաւ թէ Այժմ զի՞նչ խնդրէք: Եւ սոքա ցոյց տվեալ գտէֆտէրն, ի ներսէն եւ ի դրսէն ԼԱ ոգի զրելով մեծամեծ ի մէջ մանսուպի եւ ի մէջ սալթանաթի, որ մի մի թագաւոր էին եւ ի բազում ժամանակաց ուտէին զմանսուպքն, եւ զթագաւորութեան դրամն ամենայն եւ զանձն ի սոցա տունն գտանէր վասն մանկութեան թագաւորին. ինքեանք միմեանց օգնական լինելով, նոքա ի ներսէն եւ սոքա ի դրսէն, որպէս կամէին զայն առնէին: Որք էին այսօրիկ. Վալիտէ, որ ասի մայր թագաւորին, եւ քէ-խիայ նորին, եւ Մուլքի խաթունն, մուսահիպ Իւսուֆ աղան եւ զզվար աղասին, վալիտէ աղասին եւ զսարայ աղասին, զՊիլալ աղան և զխասոտապաշին, զղափու աղասին եւ զԻպրօ՝ զպիր զվար աղասուն: Եւ ի դուրս՝ զՍալէհ աղան և զՀասան աղան, զՄուստաֆա աղան և զԽալիճէի օղլին, զքէհեապէկն եւ զյէնկիւէր աղասին, Շապան զալֆան եւ զՂարա Աբտուլան, զՄէմար Մուստաֆան, զՏէլի Պրազէլն եւ զփեսայ նորին՝ զՀաւուշպաշին եւ զԱնգօն կեաւուրն: Զայսոսիկ ի գիր արկեալ, որում ասացին թէ ԼԱ արք են և միտս իմ զայս բաւեց, տվեալ թագաւորին թէ Թշնամի քո են, զայսոսիկ սպա՛ն և ապա կարիցես տանել յառաջ զհրամանս քո. և այժմ զներսինն խնդրէին: Եւ թագաւորն ասէր ծառայիցն և զօրացն թէ Զերեքն ինձ բաշխեցէք. և ոչ զիտէր, ասեն, զխնդրած երեքն թէ ո՛վ է, բայց զինչ ասէին ի ներսն՝ զայն ասէր թագաւորն: Եւ սոքա ի մի բերան աղաղակելով ձայնէին թէ Մի՛ զահմաթիր, թագաւոր, մի մարդ չենք բաշխեր բնաւին: Եւ թագաւորն զահի հարեալ՝ զմարհաման ի պարանոցն արկեալ լալով ա-